



JP ELEKTROPRIVREDA BiH d.d. - Sarajevo,
Zavisno društvo Rudnik mrkog uglja "KAKANJ" d.o.o.-Kakanj



Kakanj, 30-06. 2020. godine
Broj: 01/D-01-43- 7938 /20

Na osnovu člana 63. Statuta JP Elektroprivreda BiH d.d.- Sarajevo Zavisnog društva Rudnik mrkog uglja "Kakanj" d.o.o. Kakanj i Preporuke Komisije za javnu nabavku broj: 736-06/20 od 26.06.2020. godine po konkurentskom zahtjevu za dostavu ponuda (KZ: 25/20 – Nabavka molersko-farbarskog materijala), a u skladu sa članom 70. i 71. Zakona o javnim nabavkama ("Sl. glasnik BiH", broj: 39/14), v.d. direktora Društva Mr.sc. Sead Imamović, dipl.ing. donio je

ODLUKU

o izboru najpovoljnijeg ponuđača

Član 1.

Za najpovoljnijeg ponuđača za nabavku roba – Nabavka molersko-farbarskog materijala, po provedenom konkurentskom zahtjevu za dostavu ponuda izabran je sljedeći ponuđač:

"SIM-KOMERC" d.o.o. Kakanj
sa ukupnom cijenom od 11.600,00 KM bez PDV

Član 2.

Prijedlog ugovora o nabavci dostavit će se na potpis izabranom ponuđaču "SIM-KOMERC" d.o.o. Kakanj po isteku roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se i ovlašćuje Komercijalna služba ZD RMU "Kakanj" d.o.o.-Kakanj.

Član 4.

Ova odluka objavit će se na web-stranici <http://www.rmukakanj.ba/> istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

Obrazloženje

Postupak javne nabavke proveden je putem konkurentskog zahtjeva za dostavu ponuda, a pokrenut je na osnovu Odluke o pokretanju postupka javne nabavke broj: 01/D-01-43-6286/20 od 28.05.2020. godine.

Procijenjena vrijednost javne nabavke bez PDV-a je 15.000,00 KM. Obavijest o nabavci broj: 967-7-1-178-3-153/20 poslata je na objavu 02.06.2020. godine i istog dana i objavljena na Portalu javnih nabavki.

Zahtjev za dostavu ponuda je prosljeđen sljedećim ponuđačima (istovremeno sa slanjem obavijesti na Portal javnih nabavki):

1. "TRGOŠPED" d.o.o. Kakanj
2. TD "NOVA TRGOVINA-S" d.o.o. Kakanj
3. "MARKER" d.o.o. Zenica

Komisija za javnu nabavku je sačinila Zapisnik o ocjeni ponuda broj: 705-06/20 od 26.06.2020. godine i Preporuku o izboru najpovoljnijeg ponuđača broj: 736-06/20 od 26.06.2020. godine, u postupku javne nabavke roba – Nabavka molersko-farbarskog materijala.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda sedam (7)
- da je blagovremeno zaprimljeno sedam (7) ponuda
- da nema neblagovremeno zaprimljenih ponuda
- da ponude ponuđača "BRAĆA KARIĆ" d.o.o. Zenica, "ALMY" d.o.o. Zenica i "MEGA-EM" d.o.o. Visoko nisu prihvatljive,
- da su ponude ponuđača "MARKER" d.o.o. Zenica, "PERO" d.o.o. Zenica, "SIM-KOMERC" d.o.o. Kakanj i "INTER-COM" d.o.o. Zenica prihvatljive.

Ponuda ponuđača "BRAĆA KARIĆ" d.o.o. Zenica je neprihvatljiva iz razloga:

U Obrascu za cijenu ponude u koloni broj 3. Naziv proizvođača/Zemlja porijekla ponuđači su obavezni upisati tražene podatke kako bi Ugovorni organ mogao znati koju robu ponuđač nudi, odnosno kako bi mogao i prilikom isporuka provjeravati da li je ponuđač isporučio robu koju je ponudio u svojoj ponudi jer je tačkom 1. Tehničke specifikacije precizirano da ponuđač ne smije vršiti zamjenu ponuđenog molerskog-farbarsko materijala sa drugim kompatibilnim bez saglasnosti naručioca za svaku isporuku.

Uvidom u ponudu ponuđača konstatovano je da je isti u koloni broj 3. upisao samo zemlju porijekla robe, a naziv proizvođača nije upisao.

Na osnovu naprijed iznesenog utvrđeno je da ponuda ponuđača "BRAĆA KARIĆ" d.o.o. Zenica nije prihvatljiva.

Ponuda ponuđača "ALMY" d.o.o. Zenica je neprihvatljiva iz razloga:

Tačkom 5.2. Tenderske dokumentacije propisano je da sve dopune i izmjene ponude moraju biti čitljive i parafirane od ovlaštenih osoba.

Uvidom u ponudu ponuđača "ALMY" d.o.o. Zenica komisija je konstatovala da je isti vršio ispravke na stranama 1, 5. i 28. svoje ponude, koje nije parafirala ovlaštena osoba.

U Obrascu za cijenu ponude u koloni broj 3. Naziv proizvođača/Zemlja porijekla ponuđači su obavezni upisati tražene podatke kako bi Ugovorni organ mogao znati koju robu ponuđač nudi, odnosno kako bi mogao i prilikom isporuka provjeravati da li je ponuđač isporučio robu koju je ponudio u svojoj ponudi jer je tačkom 1. Tehničke specifikacije precizirano da ponuđač ne smije vršiti zamjenu ponuđenog molerskog-farbarsko materijala sa drugim kompatibilnim bez saglasnosti naručioca za svaku isporuku.

Uvidom u ponudu ponuđača konstatovano je da je isti u koloni broj 3. za neke stavke upisivao samo zemlju porijekla robe, dok je za druge upisivao samo naziv proizvođača.

U Tehničkoj specifikaciji Tenderske dokumentacije definisano je šta je ponuđač u ponudi obavezan dostaviti pa je tražena izjava ponuđača da pristaje na uslove iz tački 1. i 2. Tehničke specifikacije.

Uvidom u ponudu ponuđača konstatovano je da isti nije dostavio traženu izjavu.

Na osnovu naprijed iznesenog utvrđeno je da ponuda ponuđača "ALMY" d.o.o. Zenica nije prihvatljiva.

Ponuda ponuđača "MEGA-EM" d.o.o. Visoko je neprihvatljiva iz razloga:

Tačkom 5.2. Tenderske dokumentacije propisano je da sve dopune i izmjene ponude moraju biti čitljive i parafirane od ovlaštenih osoba.

Uvidom u ponudu ponuđača "MEGA-EM" d.o.o. Visoko komisija je konstatovala da je isti vršio ispravke na strani 1. svoje ponude, koje nije parafirala ovlaštena osoba.

Tačkom 2.3. Tenderske dokumentacije ponuđač je obavezan u svojoj ponudi dostaviti:

- Izjavu kojom se obavezuje da će isporuku vršiti sukcesivno u roku od 5 (slovima: pet) dana od dana prijema pojedinačne narudžbe od kupca, a po potpisivanju ugovora.
- Izjavu kojom se obavezuje da će izvršiti najavu isporuke Komercijalnoj službi najkasnije 24 sata prije dana isporuke i da će isporuku izvršiti u mjestu isporuke u vremenu od 07⁰⁰ do 14⁰⁰ sati.

Takođe, tačkom 2.4. bilo je potrebno dostaviti izjavu ponuđača o mjestu isporuke i to:

- JP Elektroprivreda BiH d.d. – Sarajevo Zavisno društvo Rudnik mrkog uglja "Kakanj" d.o.o. – Kakanj – Centralno skladište pogon PK "Vrtlište", na paritetu DDP prema Incoterms 2010.

Uvidom u ponudu ponuđača "MEGA-EM" d.o.o. Visoko komisija je konstatovala da isti nije dostavio tražene izjave.

Kao dokaz za uspješno iskustvo u realizaciji najmanje jednog ugovora u prethodne tri godine, što je traženo tačkom 3.4. Tenderske dokumentacije – Njihova tehnička i profesionalna sposobnost treba garantirati ispravno izvršenje ugovora, ponuđači su bili obavezni u svojoj ponudi, pored Liste ugovora

sklopljenih u traženom periodu, dostaviti i potvrdu koju daje druga ugovorna strana o njihovoj realizaciji, a koja, kako je naloženo članom 48. stav 3. ZJN, mora sljedeće podatke:

- a) naziv i sjedište ugovornih strana ili privrednih subjekata;
- b) predmet ugovora;
- c) vrijednost ugovora;
- d) vrijeme i mjesto izvršenja ugovora;
- e) navode o uredno izvršenim ugovorima.

Uvidom u dostavljene potvrde ponuđača "MEGA-EM" d.o.o. Visoko komisija je konstatovala da iste ne sadrže podatak o mjestu izvršenja ugovora.

Na osnovu naprijed iznesenog utvrđeno je da ponuda ponuđača "MEGA-EM" d.o.o. Visoko nije prihvatljiva.

Ugovorni organ je tačkom 8.2. Tenderske dokumentacije predvidio provođenje e-aukcije u predmetnom postupku u skladu sa Pravilnikom o uslovima i načinu korištenja e-aukcije.

S obzirom da je pristiglo 7 (sedam) ponuda, od kojih su ponude ponuđača: "BRAĆA KARIĆ" d.o.o. Zenica, "ALMY" d.o.o. Zenica i "MEGA-EM" d.o.o. Visoko ocijenjene kao neprihvatljive, dok su ponude ponuđača "MARKER" d.o.o. Zenica, "PERO" d.o.o. Zenica, "SIM-KOMERC" d.o.o. Kakanj i "INTER-COM" d.o.o. Zenica ocijenjene kao prihvatljive, iste su označene za učešće u e-aukciji koja je zakazana za dan 24.06.2020. godine sa početkom u 11⁰⁰ sati. Komisija Ugovornog organa je predvidjela da aukcija traje 20 minuta.

Po završetku e-aukcije utvrđeno je da je najpovoljniji ponuđač u postupku nabavke – Nabavka molersko-farbarskog materijala "SIM-KOMERC" d.o.o. Kakanj iz razloga što je cijena njegove ponude nakon postupka e-aukcije najniža.

U postupku donošenja ove odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, direktor Društva nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač, nakon provedene e-aukcije, najbolje ocijenjen zbog:

Najniže cijene, kako slijedi:

Naziv / ime ponuđača		Cijena
1.	"SIM-KOMERC" d.o.o. Kakanj	11.600,00 KM bez PDV

Izabrani ponuđač je izabran primjenjujući kriterij najniže cijene, koja je ponuđena u iznosu od 11.600,00 KM bez PDV-a.

Iz navedenih razloga, primjenom člana 64. stava (1) tačka b) najniža cijena Zakona o javnim nabavkama odlučeno je kao u dispozitivu.

Pouka o pravnom lijeku: Protiv ove odluke može se izjaviti žalba JP Elektroprivreda BiH d.d.-Sarajevo Zavisnog društva Rudnika mrkog uglja "Kakanj" d.o.o. Kakanj, najkasnije u roku od 5 (pet) dana od dana prijema ove odluke.

Dostavljeno:

1 x Direktor Društva

1 x Učesnici u postupku javne nabavke

1 x a/a



v.d. Direktora Društva

Mr.sc. Sead Imamović, dipl.ing.